



Pou Piblikasyon Imedya: 15/12/2022

GOUVÈNÈ KATHY HOCHUL

GOUVÈNÈ HOCHUL ANONSE PREMYE PWOGGRAM APWOVIZYONMAN EKOLOJIK NAN NASYON AN POU GOUVÈNMAN LOKAL YO

*Nouvo Pwogram Kominote Acha Ekolojik la rekonèt lidèchip lokal nan chwazi
pwodwi dirab pou ede pwoteje sante piblik ak anviwònman an*

*Konsèy GreenNY pibliye 10 novo espesifikasyon acha GreenNY, ki fè total la vin
88*

Gouvènè Kathy Hochul te anonse jodi a lansman Pwogram Kominote Acha Ekolojik (Green Purchasing Communities Program) la pou rekonèt gouvènman lokal yo ki angaje yo pou achte pwodwi dirab, ede pwoteje sante piblik ak anviwònman an. Nouvo pwogram nan pwomouvwa lidèchip nan nivo lokal epi bati sou pwogram apwovizyònman ekolojik Eta New York ki pi enpòtan nan peyi a, ki ap akselere tranzisyon an nan yon ekonomi vèt nan fè avanse mache pou byen ak sèvis ekolojik.

"Atravè Pwogram Kominote Acha Ekolojik la, n ap leve gouvènman lokal yo atravè New York k ap suiv lidèchip eta a sou apwovizyònman ekolojik pou ede nou atenn objektif dirabilite nou yo", **Gouvènè Hochul te deklare**. "Nan ogmante mache pou pwodwi ak sèvis ekolojik, pwogram ki se lidè nan peyi sa a pral kontinye travay nou pou konstwi yon eta ki pi an sante, yon ekonomi ki pi adapte pou anviwònman an, ak yon avni ki pi vèt pou tout Nouyòkè yo".

Pwogram Kominote pou Acha Ekolojik la respekte angajman Gouvènè Hochul nan diskou sou Sitiyasyon Eta a an 2022 pou devlope premye pwogram acha vèt nan peyi a pou gouvènman lokal yo. Nan kòmansman ane sa a, New York te prepare langaj modèl akizisyon ekolojik pou gouvènman lokal yo, ede mete ajou règleman sou acha yo pou reflete angajman solid nan apwovizyònman ekolojik.

Pwogram nan, ke Depatman Konsèvasyon Anviwònmantal (Department of Environmental Conservation, DEC) ak Biwo Sèvis Jeneral (Office of General Services, OGS) la, bay gouvènman lokal yo rekonesans ki angaje yo pou suiv espesifikasyon acha GreenNY Eta a. Tout gouvènman lokal nan Eta New York elijib pou patisipe nan pwogram nan epi yo ka fè sa lè yo swiv de etap:

- Mete ajou règleman acha pou mande pou achtè yo swiv espesifikasyon acha GreenNY Eta a; epi
- Soumèt yon kopi règleman acha ki ajou ansanm ak aplikasyon yon paj la.

Gen plis enfòmasyon sou elijibilite ak aplikasyon an ki disponib [isit la](#).

Komisè Depatman Konsèvasyon Anviwònmantal ak Ko-prezidan Konsèy Aksyon Klima a, Basil Seggos, te deklare, "DEC se yon patnè fyè nan pwogram acha ekolojik New York avèk kòlèg nou yo nan Biwo Sèvis Jeneral la epi nou kontan ede senplifye pwosesis pou gouvènman lokal yo rejwenn ajans Eta New York pou fè acha dirab. Nan chwazi mete anviwònman ak sante piblik an premye, gouvènman lokal yo ka non sèlman diminye polisyon, men akselere tranzisyon eta nou an nan yon ekonomi ekolojik".

Komisè Pwovizwa Biwo Sèvis Jeneral la, Jeanette Moy, te deklare, "Anba lidèchip Gouvènè Hochul, nouvo Pwogram Kominote Acha Ekolojik la ap bay gouvènman lokal yo opòtinite pou yo fè dirabilite vin priyrite nan desizyon acha yo. Nou menm nan OGS mete ansanm ak Depatman Konsèvasyon Anviwònmantal ak lòt patnè nou yo nan Konsèy GreenNY pou ankouraje gouvènman lokal yo pou yo suiv direksyon Eta a nan envesti nan pwodwi ki sipòte ekonomi ekolojik la ak repons Eta New York pou konsekans chanjman klimatik yo".

Nan dat 17 janvye a 2 p.m., Depatman Konsèvasyon Anviwònmantal la ak Biwo Sèvis Jeneral yo ap òganize yon konferans anliy ki eksplikatif pou potansyèl aplikan yo pou bay yon apèsi sou nouvo Pwogram Kominote Acha Ekolojik la. Konferans anliy lan pral abòdde kontèks pwogram apwovizyonman ekolojik GreenNY Eta a, fason gouvènman lokal yo ka patisipe nan pwogram nan, ak avantaj ki genyen nan fè sa. Anplis de sa, konferans anliy lan pral gen ladan tan pou kesyon ak repons. Moun ki enterese patisipe yo ka konekte via Webex [isit la](#). N ap jwenn plis enfòmasyon [isit la](#).

Anplis de kreye Pwogram Kominote pou Acha Ekolojik la, Konsèy GreenNY, ki te kreye pa Dekrè Egzekitif 22 Gouvènè Hochul la, te reyini pou premye fwa epi li te apwouve 15 spesifikasyon acha GreenNY ki nouvo ak ajou. Espesifikasyon yo gen ladan plizyè kategori pwodwi netwayaj, tankou mòp, bale, panyen fatra ak resipyen resiklaj, ak dezenfektan ak asenisman, ansam ak ekipman chofaj ak refwadisman pwòp ak machin pasaje yo. 75 ajans ak otorite Dekrè Egzekitif 22 a kouvrí swiv spesifikasyon acha GreenNY yo lè y ap pran desizyon pou achte. Konsèy GreenNY te bay tou apwobasyon pwovizwa pou yon nouvo espesifikasyon acha GreenNY ki ajou, penti ak papye kopi.

Prezidan ak Direktè Egzekitif Jeneral Otorite Rechèch ak Developman Enèji Eta New York ak Ko-prezidan Konsèy sou Klima Eta New York la, Doreen M. Harris, te deklare, "Pwogram Kominote pou Acha Ekolojik la ede gouvènman lokal yo vin ekolojik atravè enstriksyon pou achte pou pwodwi ki diminye itilizasyon enèji ak emisyon danjere epi li konplete lòt aktivite ekolojik atravè pwogram Kominote Enèji Pwòp yo ak Kominote Entelijan pou Klima nan Eta a. Pandan Eta New York ap kontinye deplase

Iwen konbistib fosil yo, enstale ekipman chofaj ak refwadisman pwòp, tankou ponp chalè, ak amelyore flòt pwòp yo se jis de opsyon ki disponib atravè konsèy akizisyon ki ka kreye espas ki pi an sante".

Prezidan ak Direktè Egzekitif Jeneral Pwovizwa Otorite Enèji New York, Justin E. Driscoll, te deklare, "Pwogram Kominote Acha Ekolojik New York la pral rann li fasil pou gouvènman lokal yo achte pwodwi ak sèvis ki adapte ak anviwònman an, pou sipòte ekonomi ekolojik eta nou an k ap grandi. Nan pwofite pwogram sa a, minisipalite yo ka ede ouvi wout la nan yon avni ki pi pwòp, ki pi vèt".

Direktè Bidjè Eta New York ak Ko-Prezidan Konsèy GreeNY Ia, Robert F. Mujica Jr., te deklare, "Pwogram Kominote Acha Ekolojik la pral ede New York vin yon ekonomi ki pi ekolojik epi li se yon egzanp ekselan sou fason Eta a pataje ekspètiz ak resous li yo ak gouvènman lokal yo pou ogmante efikasite ak amelyore lavi tout Nouyòkè yo".

Kreye an 2008 epi kontinye pa Dekrè Egzekitif 22, pwogram akizisyon ekolojik Eta New York la prezante [88 spesifikasyon acha ekolojik](#) ke ajans ak otorite yo swiv pou asire ke dola Eta a investi nan pwodwi ki gen yon enpak sou anviwònman an ki pi ba. Espesifikasyon sa yo ede Eta a atenn objektif gaz a efè sè ak lòt objektif anviwònman an nan asire ke pwodwi yo achte yo itilize mwens enèji, jenere mwens fatra, epi redwi ekspozisyon a sibstans danjere.

Plan Klimatik Nasional Eta New York

Ajanda nasional sou klima Eta New York la se inisyativ sou klima ak enèji pwòp ki pi agresif nan peyi a, ki mande yon tranzisyon òdone epi ki ekitab nan enèji pwòp ki kreye travay epi ki kontinye ankouraje yon ekonomi ekolojik pandan Eta New York ap retabli anba pandemi COVID-19 la. Enskri nan Iwa atravè Lwa sou Lidèchip Klimatik ak Pwoteksyon Kominotè a, New York sou yon chemen pou reyalize objektif mandate li a nan yon sektè elektrisite zewo emisyon rive 2040, ki gen ladan 70 pousan jenerasyon enèji renouvlab rive 2030, ak pou atenn netralite kabòn nan tout ekonomi an. Li chita sou envertisman san presedan New York pou devlope enèji pwòp yo, ki enkli plis pase 35 milya dola nan 120 pwojè enèji renouvlab ak transmisyon ki fèt sou gran echèl nan eta a, 6.8 milya dola pou redui emisyon batiman yo, 1.8 milya pou devlope enèji solè, plis pase 1 milya dola pou inisyativ transpò pwòp ak plis pase 1.6 milya dola nan angajman NY Green Bank yo. Mete ansanm, envertisman sa yo pèmèt kenbe plis pase 165,000 travay nan sektè enèji pwòp la nan New York an 2021, yon kwasans 2,100 pousan nan sektè enèji solè a ki distribiye depi 2011 ak yon angajman pou devlope 9,000 megawat enèji ewolyèn sou lanmè a disi 2035. Selon Lwa sou Klima a, New York pral apiye sou pwogrè sa a epi diminye emisyon gaz efè sè yo pou 85 pousan pa rapò ak nivo 1990 yo lè nou rive nan 2050 pandan y ap asire ke omwen 35 pousan avèk yon objektif 40 pousan nan avantaj ki genyen nan envertisman nan enèji pwòp pou benefisye kominote defavorize yo epi fè pwogrè avanse nan direksyon sib efikasite enèji eta a pou lane 2025 la pou diminye konsomasyon enèji sou sit la pou 185 mil milya BTU (inite tèmik britanik) nan ekonomi enèji itilizasyon final.

###

Lòt nouvèl disponib sou sit www.governor.ny.gov
Eta New York | Chanm Egzekitif | press.office@exec.ny.gov | 518.474.8418